

ARUBA

AINDA NO A DICIDI SI LO POSPONE CARNAVAL

ORANJESTAD (APA)

Den un conseho di ministro extraordinario a ser trata carnaval di Aruba su continuacion y e peticion cu tin pa pospone esaki.

No cabe duda cu carnaval su continuacion ta preocupacion di hopi hende aki na Aruba. E pregunta ta si e mester sigui, debi na e situacion reinante cu hopi hende ta pendiente di e situacion na Golfo Persico. Prome Ministro Oduber durante e conferencia ayera mainta a remarca cu como christian tin cu si carnaval mester sigui mientras cu tin un guerra mundial caminda inocentenan ta perde nan bida.

E desicion cu a ser tuma ta cu Ministro Eddie Brlessen di Turismo lo bai reuni cu comision di carnval esta SAC, comercio y esnan envolvi.

"Ta facil pa gobierno tuma un desicion cu lo para carnaval. Pero mester tene cuenta cu e turistanan cu a haci reservacion caba especialmente cu e deseo pa mira carnaval di Aruba. Comercio a hasi cantidad di gasto en coneccion cu carnaval. Containernan grandi cu articulonan special di carnaval a ser importa. Y tambe gruponan a haci cantidad di gastonan."

Prome ministro Oduber a a bisa cu gobierno lo aplaudi

si na momento cu Aruba tuma nota cu bidanan di hende ta na peliger dicidi pa pospone e celebracion aki.

"Como gobierno nos no kier impone un desicion, pero lo aplaudié. Mirando e situacion, gobierno a propone pa posponi e carnaval. Ta pesey cu gobierno a bini cu e proposcion pa tene carnaval den "off season", esta na luna di Juli. Pero esaki ta un desicion cu ta keda den man di SAC."

Gobierno mes lo no tuma un desicion pero lo intermedia den e problema cu si lo pospone si of no. Si dado momento gobierno ripara cu

ta necesario pa nan asumi responsabilidad, nan lo haci esaki evaluando tur e consecuenciasnan.

Sint Maarten ta caba ta celebra carnaval den e temporada aki. Na Aruba nos ta mará na e temporada inicial di aña debi na religion. Semper nos a celebré prome cu diarazon di shinishi. Esaki no ta nifica cu no por hacie den "offseason". "Esaki lo bira ideal si e wordo haci."

Ademas tin e problema cu hopi grupo no ta suficiente prepara pa carnaval awor aki debi cu tempo ta cortico. Un di e gruponan aki p.e. ta Club Caribe.